

Kōttōpar ko an katak in:

- Kwaļok bwe ejjeļok jinoin Anij.
- Kwaļok bwe Anij ear pād mokta jān aolep men ko jet.
- Kwaļok bwe Anij ej irooj ioon aolep men.
- Kwaļok bwe Anij ej jilu ilo juon.
- Kwaļok bwe Anij ej jetōb.

Meļeļe ko reļap ilo katak in:

- Kōn an Anij pād mokta jān aolep men im kōmanman aolep men, jen kōttāik kōj ñan e im karijer ñan E.
- Bwe en emman ad meļeļe kōn Anij im kōn wāween an lomōoren ro ri tōmak, e aorōk bwe jen meļeļe kōn wāween an kōmanman aolep men.
- Kadkadin Anij enaaj jelōt wāween ad kabuñ ñan E.

Aolep men rej waļok jān Anij. Anij ear kōmanman aolep men im aolep men rej pād iumwin tōl im pepe eo an. Eļañne Anij ej pād ioon aolep men innām e aorōk bwe jen jeļā wōn E. E aorōk bwe jen jeļā ta kōnaan ko An. E aorōk bwe jen jeļā ta eo emman Ippān im ta eo e jab emman Ippān. Baibōļ ej bok eo wōt me ej kōmmeļeļeik kōj kōn Anij. Anij e kōnaan bwe jen jeļā wōn E. E kōnaan bwe jen jeļā ta plan eo An ñan kōj armej.



*Jeremaia 9:22,23 Āindein an Jeova ba, 'Ri mālōtlōt en jab kōmmeļāje ilo an mālōtlōt, im eo e kajoor en jab kōmmeļāje ilo an kajoor; ri mweie en jab kōmmeļāje ilo mweiuok ko mweien. Ak eo ej kōmmeļāje en kōmmeļāje ilo men in, bwe e meļeļe im e jeļā Eō bwe Ņa Jeova eo ej kōmman jouj, jinwe, im wānōk ilo laļ in, kōnke Ij mōñōñō kake men kein,' Jeova ej ba.*

## 1. Anij ej jān indeeo ñan indeeo

Eoon moktata ilo Baibōļ ej ba men in: "Ilo jinoin Anij..." Anij ear je eoon in bwe jen jeļā bwe ewor jinoin aolep men. Ear barāinwōt je eoon in bwe jen jeļā bwe ejjeļok jinoin Anij. Kwo maroñ kamaate aolepen eoon ko ilo Baibōļ ak kwō ban lo juon me ej kōnono kōn jinoin Anij ak wāween an Anij lotak.



*Sam 90:2 Mokta jān an toļ ko waļok, ak Kwaar kōmanman laļ im āne, jān indeeo ñan indeeo, Kwe Anij laļap.*

Jen lōmņak jidik kōn wāween an Kiiñ Devid je eoon in. Mokta, ej kōnono kōn toļ ko. Juon toļ e kilep im pen. Etto an pād. Wōjke ko re maroñ mej im jako, reba ko re maroñ etal im mōrā, ak juon toļ enaaj to an pād. Eoon in ej ba ta? Anij ear mokta jān toļ ko. E jab men in wōt, Ear mokta jān laļ in. E jab men in wōt, Ear jān indeeo im Enaaj ñan indeeo.



Devid ear mokta kōnono kōn juon men elap- juon toļ. Mōjen men in ear kōnono kōn juon men elap ļok- laļ im āne. Ālik tata, ear kōnono kōn men eo elap tata- Anij. Anij ear mokta jān aolep men kein kōnke ej jān indeeo ñan indeeo. Ejjeļok juon iien im Anij ear jab pād. Ejjeļok jinoin Anij. Ejjeļok ear kōmanman Anij. Ejjeļok juon iien im Ear jab mour. Anij ear jab ļotak im E ban mej. E ban rütto ļok im E ban oktak. Ej āinwōt juon jān indeeo ñan indeeo.

\* **Anij e utiej jān aolep im Ej irooj ioon aolep men.**

## 2. Anij ej jilu ilo juon.



*Jenesis 1:26 Im Anij ear ba, Jen kōmanman armej ilo wāweed im āinwōt Kōj...*

Etke eoon in ej ba “Kōj” im “Jen” ilo an kōnono kōn Anij? Ij ba wōt bwe elōñ juon wōt Anij. Ta elōñ jilu ke? Jaab. Baibōļ ej kaalikkar tok ñan kōj elōñ bwijin bwijin katin bwe elōñ juon wōt Anij.



*Aiseia 45:5 Ña Jeova, im ejjeļok bar juon; im ejjeļok Anij ijellokō.*



*Aiseia 45:18 Bwe āindein Jeova eo ear kōmanman laļ im jab kōmmane waan, im ña wāween bwe ren jokwe ie, Ej ba, “Ña Jeova, im e bar ejjeļok jān Ña.*



*Aiseia 45:22 Bwe āindein Jeova eo ear kōmanman laļ im jab kōmmane waan, im ña wāween bwe ren jokwe ie, Ej ba, “Ña Jeova, im e bar ejjeļok jān Ña.*



*1 Timote 1:17 Kiiō ñan Kiiñ eo Ej mour wōt jān indeeo ñan indeeo, e jab wabanban im je ban lo E, eo E make wōt Anij, nōbar im aiboojoj indeeo im indeeo. Amen.*

Innām etke Jenesis 1:26 ej kajerbal naan kein “jen” im “kōj”? Kōnke Anij ej jilu ilo juon. Naan in “Anij” ilo eoon in ej *Elohim* ilo kajin Hibru. Jemļokōn naan in ej “plural” (elōñ jān juon), ak je jeļā bwe meļele eo ej singular (juon wōt) kōnke verb ippān naan in ej singular ilo Kallimur Mokta. Ekkā wōt, ñe e waļok naan in, Anij (*Elohim*), ej wanmaanļok im ba “Ña,” im “Ij,” bōtab ijin ej kwaļok kōn jilu ilo juon (men eo me jet rej ba “Trinity”).

Jetōb ear ilo jinoin.



*Jenesis 1:2 ...im Jetōb an Anij Ear pād ion mejin dān ko.*

Jijej Ear ilo jinoin.



*Jon 1:1 Ilo jinoin Naan, im Naan ippān Anij, im Naan Anij.*

Jemadwōj ear ilo jinoin.



*Jenesis 1:1 Ilo jinoin Anij.*

Rein jilu rej waļok ilo Matu 28:19 *...im peptaij er ilo Etan Jema im Nejin im Jetōb Kwōjarjar.* Meñe Anij ej juon wōt, Ej waļok ilo jilu: Anij ej Jemān, Anij ej Nejin, im Anij ej Jetōb Kwōjarjar. Elōñ re bane katak rōt in. Rej ba bwe ejjeļok men ilo laļ in e maroñ jilu men im juon men ilo ejjā iien eo wōt.

Je jab aikuj bwilõñ kõn men in bwe Anij e utiej jãn aolep men. Kõn men in enaaj oktak jãn aolep men jej imenene kake ilo laḷ in. Jej bõk ad meḷeḷe kõn Anij jãn Baibõl. Ejjeḷok kajj-itõk bwe Baibõl ej ba bwe juon wõt Anij. Ejab men in wõt, ak Baibõl ej ba bwe ejjeḷok bar anij.



*Aiseia 43:10 ..komwin jeḷã im tõmak Eõ, im meḷeḷe bwe ÑA E; mokta jãn Ña, ekkar ejjeḷok anij, im naaj ejjeḷok ãlik Eõ.*

Baibõl ej bar ãinwõt ba bwe Jemadwõj ilañ ej Anij. Roñjake mők eoon kein.



*Jon 6:27 Anij Jema ear seal E.  
1 Piter 1:2 Ro emõj kããlõt er kõn an Anij Jemad jeḷã mokta.  
Jud 1:1 ro jiten bõro ilo Anij Jemad.*

Ilo mool ijab aikuj kõnono eoon kein bwe aolep re jeḷã bwe Jemadwõj ilañ ej Anij.

Baibõl ej jiroñ kõj bwe Jijej ej Anij.



*Jon 1:1 Ilo jinoin Naan im Naan ippãn Anij, im Naan Anij.  
Hibru 1:8 A kõn Nejin Ej ba, Aḡ türoon O Anij e indeeo im indeeo...*

Ke Tomas ear lo kinej ko kinjen Jijej ear badikdik itüren neen im ba, *Kwe Ao Irooj im Ao Anij* (Jon 20:28).

Ãlik tata Baibõl ej ba bwe Jetõb Kwõjarjar ej Anij.



*Jerbal 5:3,4 Etke Jetan ej kobrak büuruõḡ bwe kwõn riab ñan Jetõb Kwõjarjar... kwar jab riab ñan armej ran, a ñan Anij.  
2 Korint 3:17, 18 Kiiõ Irooj ej Jetõb eo (naan in Irooj ej jutak kõn Jeova Anij) im ijo Jetõb an Irooj ej pãd, ijo aenõḡḡman.*

Ilo jemḷoken eoon 18 ej ba ãinwõt kõn Irooj, Jetõb. Kõn men in je maroñ ke ba bwe elõñ jilu anij? Kõnke Baibõl ej ba bwe Jemad ej Anij, Jijej ej Anij, im Jetõb ej Anij. Je ban. Bwe? Kõnke elõñ juon wõt Anij. Ekwe, je maroñ ke ba bwe Jemadwõj ilañ e wõt Anij, im Jijej im Jetõb Kwõjarjar rej enjeḷ? E ban. Kõnke Baibõl ej ba bwe erro rej bar Anij. Eḷaññe Baibõl ej ba bwe ewor juon wõt Anij, im rein jilu rej bõk ãt in Anij, ej meḷeḷe in bwe rej jilu ilo Juon.

Ewor juon wõt Anij im ej waḷok ilo jilu. Emõj ad lo bwe Anij ear jãn indeeo ñan indeeo, im jar bar ãinwõt lo bwe ej waḷok ilo jilu. Bõlen kwõ naaj ba, “Ewi tokjãn men in?” Eḷap tokjãn kõnke ñe kwõj ba bwe Jetõb ettã jãn Anij innãm kwõj kõttãik Anij. Ñe kwõj ba bwe Jijej ejab Anij, ak ej juon anij e dik, innãm kwõj kõttãik Anij. Jon 5:23 ej ba, *Armej otemjej ren kautiej Nejin ãinwõt (ak joñan wõt) rej kautiej Jeman.* Eo ejab kautiej Nejin, ejab kautiej Jeman, eo Ear jilkintok E. Baibõl ej katakin kõj bwe...

### **3. Anij ej kajoor jãn men otemjej.**

Anij Ear kõḡanḡan men otemjej. Kõn men in E kajoor jãn men otemjej. Ear make ḷok iaan mokta jãn An kõḡanḡan aolep men. Kõn men in ejjeḷok An aikuj. Ejab aikuje jabdewõt men ilo laḷ in.

- Ejab aikuje oxygen bwe En menono.
- E jab aikuje mōñā.
- E jab aikuje idaak.
- Ejab aikuje meram.
- E ban mōk, maro, ak kwōle.
- E jab aikuje bwe jabdewōt en katakin E jabdewōt men.



*Aiseia 40:28 Kwaar jab jelā ke? Kwaar jab roñ ke? Anij eo ej ñan indeeo, Jeova, Ri kōmmanman jabōn ko jabōn laḷ, Ejab kijelōk, im Ejab mōk; ejjelōk e maroñ kapukot jelālōkjen eo An.*

Āindein kōj ke?

- Je maroñ kar pād ilo laḷ in eḷaññe jemad im jinōd raar jab keotak kōj?
- Jenaaj kar mour eḷaññe ejjelōk ear lale kōj ke jaar niñniñ?
- Je maroñ ke mour iumwin juon wiik eḷaññe ejjelōk dān ak mōñā?
- E maroñ to ad mour ke eḷaññe je jab kiki jet iien?
- Je maroñ ke mour ñe ejjelōk oxygen?
- Je jelā aolep men jān iien ad lotak ke?



#### 4. Anij ej Jetōb

Anij ejab aikuje laḷ ak jabdewōt men ilo laḷ in kōnke E Jetōb.



*Jon 4:24 Anij e Jetōb, im ro rej kabuñ ñan E ren kabuñ ilo Jetōb im ilo mool.*

Eoon in ej jiroñ kōj bwe armej re maroñ kabuñ ñan Anij jabdewōt jikin. Re jab aikuje pād ilo juon temple ak juon mōn jar. Re maroñ in pād meto ḷok, ilo aeto, ak buḷōn wōjke. Bwe? Kōnke Anij e jetōb im āinwōt juon jetōb ej pād aolep jikin aolep iien. E jab meḷeḷein bwe armej ren jab jar ilo raan in Jabat. Jet rej ba bwe rej kabñ ñan Anij ilo moko imweir ak ilo wan eoñod. Mool je maroñ kabuñ ñan Anij jabdewōt jikin, ak ñan ro rej pukot Anij, ilo Jabat Anij ej ba bwe ro nejin Anij ren kweilōk ippān doon im kabuñ ñan E (Hibru 10:25).

Ilo juon wāween ba, ānbwined rej āinwōt kalbuuj. Je ban kālōk, je ban mour buḷōn lojet, im jeban pād ijo ko otemjej, kōnke ānbwined rej bōbrae kōj. Bōtab ejjelōk ānbwined Anij. Ejjelōk men enaaj bōbrae E jān An kōmman jabdewōt jermal.

#### 5. Anij pād ijo ko otemjej.



*Jeremaia 23:23,24 Ña Ij Anij Eo Ej pād ijo ko otemjej, im Ijab pād ilo juon wōt jikin. Ejjelōk en e maroñ tilekek bwe In jab loe. Kom jaje ke bwe Ij pād ijo ko otemjej ilañ im i laḷ?*

Ej pād ijoko otemjej, im Ej lo men otemjej! Ejjelōk jikin ko jān Anij, im ejjelōk men e nojak jān E.

Ālikin an juon ajri roñ bwe Anij Ej pād ijo ko otemjej ear ba, “Joñan an kilep Anij, Ejab aikuje in jambo!” Jej kile bwe Anij ej eḷḷā jān joñan lōmḅak kake. E utiej jān aolep. Ej irooj ioon men otemjej. Ejjelōk jinoin Anij im naaj ejjelōk jemḷoken. Ej jilu ilo juon. Ejjelōk An aikuje. Ej Jetōb im Ej pād ijo ko otemjej. E kajor potata im e aorōk bwe jen eḷḷok ñan E.

### ANIJ

Ejjeļok jinoin, im enaaj ejjeļok jeļļokōn.  
Ej jilu ilo juon.  
Ejjeļok An aikuj.  
E jeļā men otemjej.  
E jetōb; ejjeļok ānbwinnen.  
Ej pād ijoko otemjej iien otemjej.  
E utiej jān aolep im irooj ioon aolep.  
Ear pād mokta jān jinoin aolep men.

### ARMEJ

Ej lotak, im enaaj mej.  
Ej juon wōt.  
Ej aikuj mōñā, dān, kiki, kōto, meram...  
Ej aikuj katak.  
Ewor ānbwinnen.  
Ej pād ilo juon wōt jikin ilo juon iien.  
Ej iumwin Anij, im en roņjake ñan Anij.  
Ear jab pād ilo jinoin.

Kajjitōk ko:

1. E kar wor juon iien im Anij ear jab pād ke?
2. Ewor ke an Anij aikuj? Bwe?
3. Ewor juon ānbwinnen Anij ke?
4. Ewor jete Anij?
5. Anij ej jilu ilo juon. Wōn jilu rein?
6. Ewor ke juon jikin ilo laļ in ak ilo mejatoto ijo kwō maroñ pād ie im Anij e ban pād ie?
7. Ta meļeļein ñe jej ba bwe Anij ej irooj ioon men otemjej?